

之者也。修正憲法第三十七條。兩院非各有議員總數過半數之列席。不得開議。第五十二條。國會議員之選舉。以委員總額三分之二以上之列席。列席員三分之二以上之同意。決之。夫憲法規定。兩院議員。非各有總數過半數之列席。不能開議。議事非有三分之二以上之同意。不能表決。大總統國務員。失職違法。非得五分之四以上或四分之三以上之同意。不能定之。而別立政府之舉。其事更大于大總統國務員違法十倍。則非得兩院全數議員之同意。不能合法之可知。兩院在北京時。非有法定之人數。不能開議。不能表決。而以解散之議員。會議于廣東。僅得十分之一之人數。則為非法舉動之可知。試問孫大總統召集已解散之國會議員。赴粵會議。組織政府。在廣州者六十八人。或七十人。為參議院之議員乎。衆議院之議員乎。抑參衆兩院之議員乎。全國五族之議員乎。抑西南數省之議員乎。不論何如。均與臨時約法。修正憲法。所規定者相左。離離萬里。進退無據。此之謂所謂非法。此之謂所謂南方政府者一。

我國由專制政體。變為共和政體。無非效法歐美之所為。歐美日本各國。不論君主民主。雖皆以國會為根本。而解散國會之事。亦時有之。視為尋常。未聞有大驚小怪。如汝妖徒謂國會不能解散。解散即是滅憲法。亡共和。如此其荒謬者。亦未聞有以解散之國會。議員在野。復能操議政之權者。試問爾妖徒。畜鳴之燭好。能舉何國有此先例。以為徵驗者乎。而孫大炮在粵公然行之。此之謂所謂非法。此之謂所謂南方政府者二。以上援引。所以證明本報前譯要電。加所謂二字于南方政府。已成立之。為不能移易。而明之。此真譯述之能事。不比汝妖徒前譯陳炳輝擁護北京政府為暗助。一暗字之無稽考。復于字與上抄襲幾句古板法語以欺世。是誠可鄙。雖然。今吾以此而語畜鳴之燭好。無異對牛彈琴。與猪講禮。必格格不入。徒負本譯者一點教訓禽獸之苦而已。奈何奈何。(完)

上海通信

參觀南京貧兒教養院述畧

李君淡愚。偕予遊杭西湖。返滬一日。復遊南京。持高鳳池先生函。託分局晤王華亭陳渭濱兩君指導。遊覽名勝。若明孝陵。方忠壯墳。古物保存所。秦淮河。雨花台。莫愁湖。清涼山。紫金山等。隨到昇平橋。參觀南京貧兒教養院。王君為予二人介紹。投刺謁周院長。院長名其永。號觀成。河南籍。久住江寧。辛亥革命。女決死隊長也。憫同黨死國難。遺家眷兒女無所依賴。聘黃公克強為南京留守。助籌款項。井以上元縣署為院址。地約三十餘畝。空氣充足。均覺充足。時祇有男學生二百餘人。自二次革命後。死難遺族愈多。加以大江南北。貧苦兒女。不可計算。兼以男女。一切衣食住紙筆書籍。皆由院供給之。計今六年。遞增至六百餘人。合以教員保姆都七百餘人。第壹次藝徒部及一式次初高

等生。均先後畢業。其間高才生有志無力。在他處中學。仍衣食住於院中者復二十餘人。院中學校工廠。一爐而冶。純然實行社會教育主義。共分為十班。每日以四時讀書。三時習藝。男有木工竹工藤工漂染織布五部。女有裁縫烹飪染織四部。規模整肅。秩序謹嚴。男生畢業後動議可靠者。由院向各方面介紹以職。女生畢業後。由院代其擇配。惟彼此相見。兩方合意為準。予等參觀時。見學生之靜穆。可知教授管理。各臻完善。聞每年省吏祇撥款三千餘元。而該院至少三萬元以上。方足敷支。周女士向各界慈善界募集。始可支持。然無的款。年年如是。以一弱小之婦。既傾家於院。復年年籌措二三萬不可得之款。日日担任無涯之負荷。其責愈重。其心亦愈苦。其功之偉亦蔑以加矣。

整頓海軍最近之計劃

北京通信云。戰時海軍條例。業經國務會議。疊次討論。初次議定計十四條。上次開議。又增加四條。惟當時尚未能議定。聞段總理與海軍總長籌商。俟二十八日國務會議議決。即請大總統核鑒。蓋海軍大元帥印後。正式宣布全國。近日海部劉總長當對某要人籌議。擬設三大軍港。擇定直隸江蘇福建三省。已派員前往考察。又以我國海岸綫長萬餘里。現當海防緊急之秋。各艦分配不敷。殊關重要。除趕造砲艦外。所有艦隊。一律酌加津貼。以資鼓勵。惟需款頗巨。業已咨請財政部籌措。咨文內該部經費。除前經會議決之預算數目。財政部已允按月籌撥外。茲又臨時增加海軍經費六千五百九十六萬。又添加軍薪餉二萬三千九百八十元。請併撥給。再六年六月以前所積欠該部之款。及開辦(水旁)煤廠欠款。請併暫發六厘公債等語。梁總長閱後。以財政奇絀。尚未答覆云。

英王賀中國參戰之電

中國對德宣戰後。英皇曾有賀電致馮總統。馮公旋覆電致謝。茲得原文復錄如下。英王賀電。大中華民國總統鑒。茲悉中國於協約方面之戰爭。殊為欣幸。貴大總統所領袖之大民國。今毅然與諸國聯合。以敵中歐列強之侵略政策。用特拘誠申賀。喬治。馮總統謝電。大英國大皇帝陛下。奉電以中華民國。對於世界公敵宣戰致賀。無任欣慰。吾國素主和平。環球公認。茲以公理人道起見。本大總統特以國民及政府名義。敬告陛下。雖與對公敵之友邦。同心協力。共圖促進昇平之方以達戰爭之目的。特電答謝。順祝安康。馮。

歐洲大戰記

西氏專醫內外科  
各症應驗丸散佈告

CHUCK SAI 770 CLAY ST SAN FRANCISCO, CAL U. S. A.

特別參茸戒煙茶葉  
貴客請向各處藥房購買

洋煙戒脫  
挽回造化  
求子有方

西氏國手妙醫咳嗽內傷吐血症

西氏良醫果不虛傳

華海醫愈風濕骨痛花柳風症